

**OKVIRNI SPORAZUM
SUKCESIVNA NABAVKA USLUGA TEHNIČKOG PREGLEDA MOTORNIH
VOZILA**

Strane u okvirnom sporazumu:

- 1. MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE, La Benevolencija br. 16, kojeg zastupa policijski komesar generalni inspektor policije Nusret Selimović, (u daljem tekstu: Ugovorni organ)**
- 2. Ahmetpahić petrol d.o.o. Sarajevo, Muamera Omerbegovića 3, ID broj: 4201904850004, kojeg zastupa direktor Adis Ahmetpahić, (u daljem tekstu: Dobavljač)**

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14) proveo konkurentski zahtjev za dostavu ponuda za nabavku usluga tehničkog pregleda motornih vozila za potrebe Uprave policije Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 24 mjeseca;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj 659/21 od 22.11.2021. godine.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga tehničkog pregleda motornih vozila za potrebe Uprave policije Ministarstva unutrašnjih poslova Kantona Sarajevo u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa.

Količine navedene u specifikaciji su okvirne i vrijede za vrijeme važenja okvirnog sporazuma.

Član 3.

Ukupna vrijednost ovog okvirnog sporazuma bez PDV-a iznosi 18.995,32 (osamnaest hiljadadevetstotinadevedesetpet i 32/100) KM.

Cijene su fiksne i ne mogu se mijenjati za vrijeme važenja ovog okvirnog sporazuma. Pojedinačni ugovori unutar okvirnog sporazuma mogu se zaključivati samo do iznosa ukupne vrijednosti okvirnog sporazuma, dakle okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke i prije isteka roka na koji je sklopljen okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Član 4.

Nakon zaključivanja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnog ugovora, ne mogu se mijenjati bitni uslovi iz ovog okvirnog sporazuma.

Usluge iz člana 2. ovog okvirnog sporazuma će se izvršavati sukcesivno, u skladu sa potrebama Ugovornog organa.

Usluge će se pružati u servisu Dobavljača.

Član 5.

Dobavljač je dužan da:

- izvrši uslugu u roku od 24 (dvadesetčetiri) sata od zaprimanja zahtjeva ugovornog organa;
- kod pružanja usluge tehničkog pregleda motornih vozila, prioritet daje vozilima Ugovornog organa;
- obezbijedi tehničke kapacitete za brzu i kvalitetnu uslugu;
- obezbijedi adekvatan prostor za rad te odgovarajući prostor pod nadzorom za parkirana vozila u svom krugu za vrijeme zadržavanja vozila na pregledu;
- prihvati eventualne reklamacije na izvršene usluge, na osnovu reklamacije Ugovornog organa;
- omogućiti prisustvo lica iz organizacione jedinice Autoservisa Ugovornog organa za vrijeme trajanja tehničkog pregleda motornih vozila;
- ugovorene usluge izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke, te da će stručno i kvalitetno obavljati usluge servisa motornih vozila Ugovornog organa;
- usluge pruža u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Član 6.

Nakon izvršene usluge koja je predmet ovog okvirnog sporazuma vrši se kvalitativno – kvantitativna primopredaja vozila u stanici tehničkog pregleda Dobavljača uz sačinjavanje radnog naloga. Radni nalog treba da sadrži: naziv firme, adresa, kontakt, broj, datum, marka/tip vozila, nalogodavac, uočeni kvarovi ili nedostaci, specifikaciju izvršenih usluga, potpis Dobavljača i potpis lica iz organizacione jedinice Autoservisa kao ovlaštenog predstavnika Ugovornog organa, napomena za stanje vozila i sl. Radni nalog se izdaje u dva primjerka od kojih svaka strana zadržava po jedan.

Ukoliko se konstatuju određeni nedostaci u kvalitetu ili kvantitetu izvršenih usluga sačiniti će se zapisnik o reklamaciji.

Član 7.

Dobavljač se obavezuje priznati reklamaciju na kvantitet i kvalitet izvršenih usluga, koja će biti propraćena zapisnikom o reklamaciji, uz obavezno navođenje nedostataka izvršene usluge.

Dobavljač je dužan da greške otkloni u roku od 3 (tri) dana od dana sastavljanja zapisnika.

Usluga će se smatrati uredno izvršenom tek kada bude konstatovano da je primopredaja izvršena bez primjedbi.

Član 8.

Ugovorni organ će ugovorenu cijenu plaćati Dobavljaču u roku od 30 (trideset) dana od dana urednog izvršenja usluge i dostavljanja pojedinačne fakture, na tekući račun Dobavljača.

Član 9.

U slučaju kašnjenja u pružanju usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1%

naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 10.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u okvirnom sporazumu pogođena višom silom odmah će u pisanoj formi, a najkasnije u roku od 3 (tri) dana od nastanka više sile, obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Ugovorna strana koja se poziva na višu silu će nastaviti sa izvršavanjem svojih obaveza iz ugovora sve dok je to u razumnoj mjeri izvodivo, ukoliko nije, pisanim putem, drugačije naloženo od strane ugovornog organa.

U slučaju nastupanja događaja i okolnosti koji se mogu smatrati višom silom u smislu ovog člana okvirnog sporazuma, nemogućnost sporazumne strane da ispuni bilo koju od svojih ugovornih obaveza neće se smatrati razlogom za raskid okvirnog sporazuma/ugovora ili neispunjavanjem ugovorne obaveze, ukoliko je:

- preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovima iz ovog okvirnog sporazuma; i
- obavijestila drugu ugovornu stranu o nastupanju više sile na način definisan u stavu (5) ovog člana i preduzetim mjerama na otklanjanju štetnih posljedica dejstva više sile.

Član 11.

Ovaj okvirni sporazum se zaključuje na period od 24 mjeseca, a stupa na snagu i počinje se primjenjivati danom obostranog potpisivanja.

Član 12.

Ugovorni organ zadržava pravo raskida okvirnog sporazuma ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Sporazumne strane su saglasne da svaka strana može jednostrano raskinuti ovaj okvirni sporazum i unutar njega zaključene pojedinačne ugovore i zadržati pravo na naknadu štete zbog raskidanja okvirnog sporazuma/ugovora u slijedećim slučajevima:

- ako Dobavljač kasni sa vršenjem usluga, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati okvirni sporazum/ugovor (stečaj, likvidacija i sl.);
- ako neka od sporazumnih/ugovornih strana svoje dospjele obaveze ne ispuni ni u naknadno prihvatljivom roku za sve sporazumne/ugovorne strane;

- ako je iz okolnosti posla jasno da jedna od sporazumnih/ugovornih strana neće moći ispuniti svoju obavezu i onda kada bilo koja sporazumna/ugovorna strana izjavi da svoju obavezu neće ispuniti.

Obavještenje o jednostranom raskidu okvirnog sporazuma i unutar njega zaključenog pojedinačnog ugovora mora se dostaviti drugoj ugovornoj strani isključivo u pismenom obliku.

Član 13.

Dobavljač nema pravo zapošljavati, u svrhu izvršenja okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije okvirnog sporazuma.

Član 14.



Na sva pitanja koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.

Član 15.

Eventualno nastale sporove pri realizaciji ovog okvirnog sporazuma, strane u okvirnom sporazumu će rješavati sporazumno, a ukoliko to nije moguće, utvrđuje se nadležnost Suda u Sarajevu.

Član 16.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.



Broj: 11122
Datum: 10.01.2022

Broj: 02-11-4-7196-8/21
Datum: 10.01.2022. godine